

CBETA電子佛典集成

CBETA Chinese Electronic Tripitaka Collection
eBook

T19n1022A

一切如來心祕密全 身舍利寶篋印陀羅 尼經

唐 不空譯

財團
法人 佛教電子佛典基金會



目次

- [編輯說明](#)
- [章節目次](#)
- [卷目次](#)
 - .001,
- [贊助資訊](#)

編輯說明

- 本電子書以「CBETA 電子佛典集成 Version 2023.Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

No. 1022A [No. 1023]

一切如來心祕密全身舍利寶篋印陀羅尼經

開府儀同三司特進試鴻臚卿肅國公食邑三千戶賜紫贈司空謚大鑒正
號大廣智大興善寺三藏沙門不空奉 詔譯

如是我聞：

一時薄伽梵在摩伽陀國無垢園寶光明池中，與大菩薩眾及大聲聞僧、天、龍、藥叉、健闍婆、阿蘇羅、迦樓羅、緊那羅、摩睺羅伽、人非人等，無量百千眾俱前後圍繞。

爾時眾中有一大婆羅門，名無垢妙光，多聞聰慧人所樂見，常奉十善，於三寶所決定信向，善心愍重智慧微細，常欲令一切眾生相應善利，大富豐饒資具圓滿。時彼婆羅門無垢妙光從座而起，往詣佛所，遶佛七匝，以眾香花奉獻世尊，無價妙衣瓔珞珠鬘持覆佛上，頂禮雙足，却住一面作是請言：「唯願世尊與諸大眾明日晨朝至我宅中受我供養。」

爾時世尊默然許之。時婆羅門知佛受請，遽還所住，即於是夜廣辦餽饍百味飲食，張施殿宇種種莊嚴。至明旦已，與諸眷屬持眾香花及諸伎樂至如來所，白言：「時至，願赴我請。今正是時，願垂聽許。」

爾時世尊安慰彼婆羅門無垢妙光已，顧視大眾，告言：「汝等皆應往彼婆羅門家，為欲令彼獲大利故。」於時世尊即從座起，纔起座已從佛身出種種光明，間錯妙色照觸十方，悉皆警覺一切。如來既警覺已，然後取道。時婆羅門以恭敬心持妙香花與諸眷屬，及天龍八部、釋梵護世，先行治道奉引如來。爾時世尊前路不遠，中止一園名曰豐財。於彼園中有古朽塔，摧壞崩倒荊棘所沒，榛草充遍覆諸礪礫狀若土堆。

爾時世尊徑往塔所。時朽塔上放大光明赫然熾盛，於土聚中出善哉聲，讚言：「善哉善哉！釋迦牟尼如來！今日所行極善境界。」又言：「汝婆羅門！汝於今日獲大善利。」爾時世尊禮彼朽塔右遶三匝，脫身上衣用覆其上，泫然垂淚涕泗交流，泣已微笑。當爾之時，十方諸佛皆同觀視亦皆泣淚，俱放光明來照是塔。是時大眾集會皆同怪異，驚怖而住。爾時金剛手菩薩亦皆流淚，威焰熾盛執杵旋轉，往詣佛所，白言：「世尊！此何因緣現是光相？何故於如來眼流淚如是？此是佛之大瑞光相現前？唯願如來於此大眾解釋我疑。」時薄伽梵告金剛手：「此大全身舍利聚如來塔，一切如來俱胝如胡麻心陀羅尼印法要。今在其中。金剛手！有此法要在是中故，是塔即為如胡麻俱胝百千如來之身，亦是如胡麻百千俱胝如來

全身舍利聚，乃至八萬四千法蘊亦住其中，即是九十九百千俱胝如來頂相在其中。是塔一切如來之所授記，若是塔所在之處，有大功勳、具大威德，能滿一切吉慶。」爾時大眾聞佛是說，遠塵離垢及隨煩惱，得法眼淨。其中即有得須陀洹果者、得斯陀含果者、得阿那含果者、得阿羅漢果者，或有得辟支佛道者，或有入菩薩位者，或有得阿鞞跋致者、或有得菩提授記者、或有得初地二地乃至十地者、或有滿足六波羅蜜者。其婆羅門遠塵離垢，得五神通。爾時金剛手菩薩見此奇特希有之事，白佛言：「世尊！甚奇特希有。但聞此事尚獲如是殊勝功德，何況於此法要種殖善根獲大福聚。」佛言：「諦聽。金剛手！若有善男子善女人、比丘、比丘尼、優婆塞、優婆夷書寫此經典者，即為書寫彼九十九百千俱胝如胡麻如來所說經典，即於彼九十九百千俱胝如胡麻如來種殖善根，即為彼等如來護念攝受。若人讀誦，即為讀誦過去一切諸佛所說經典。若受持此經，即彼十方九十九百千俱胝如胡麻如來應正等覺，彼一切如來一一方所遙加攝護晝夜現身。若人供養此經，以花香塗香花鬘衣服嚴具而供養者，即於彼十方九十九百千俱胝如來之前，成天妙花妙香衣服嚴具，七寶所成積如須彌而為供養，種殖善根亦復如是。」爾時天龍八部人非人等見聞是已，各懷希奇，互相謂言：「奇哉威德！是朽土聚以如來神力所加持故有是神變。」時金剛手白佛言：「世尊！何因緣故，是七寶塔現為土聚？」佛告金剛手：「此非土聚，乃是七寶所成大寶塔耳。復次金剛手！由諸眾生業果故隱，非如來全身而可毀壞。豈有如來金剛藏身而可壞也？但以眾生業果因緣示現隱耳。復次金剛手！後世末法逼迫時，多有眾生習行非法應墮地獄，不求佛法僧、不種殖善根，為是因緣妙法當隱；唯除此塔，以一切如來神力所持故。以是事故我今流淚，彼諸如來亦以是事悉皆流淚。」爾時金剛手菩薩白佛言：「世尊若有人書寫此經安置塔中，獲幾所福？」佛告金剛手：「若人書寫此經置塔中者，是塔即為一切如來金剛藏窠堵波，亦為一切如來陀羅尼心祕密加持窠堵波，即為九十九百千俱胝如胡麻如來窠堵波，亦為一切如來佛頂佛眼窠堵波，即為一切如來神力所護。若於佛形像中安置及於一切窠堵波中安置此經者，其像即為七寶所成。其窠堵波亦為七寶傘蓋珠網露槃交結，德字鈴鐸純為七寶，一切如來於此法要加其威力，以誠實言本誓加持。若有有情能於此塔種殖善根，必定於阿耨多羅三藐三菩提得不退轉，乃至應墮阿鼻地獄，若於此塔一禮拜一圍遶必得解脫，皆得不退轉於阿耨多羅三藐三菩提。塔及形像所在之處，一切如來神力所護，其處不為惡風雷雹霹靂所害，又復不為毒蛇毒蟲毒獸所傷，不為惡星怪鳥、鸚鵡鳩鴿、蟲鼠虎狼蜂蠆之所傷害，亦無夜叉、羅剎、部多、比舍遮、癩癩之怖，亦不為一切

寒熱諸病、癩癘癰毒、瘡癬疥癩所染。若人暫見是塔，一切皆除。其處亦無人馬牛疫、童子童女疫，亦不為非命所夭，亦不為刀杖水火所傷，亦不為他敵所侵、飢饉所逼，厭魅呪詛不能得便。四大天王與諸眷屬晝夜衛護，二十八部大藥叉將及日月衝暈彗星晝夜護持，一切龍王加其精氣順時降雨，一切諸天與忉利天三時下來，亦為供養禮拜塔故。一切諸仙三時來集讚詠旋遶，釋提桓因與諸天女晝夜三時來下供養。其處即為一切如來護念加持。若人作塔，或土石木金銀赤銅，書此法要安置其中，纔安置已其塔即為七寶所成，上下階陛、露槃傘蓋、鈴鐸網綴純為七寶，其塔四方如來形像亦復如是，則一切如來神力所持。其七寶塔大全身舍利藏，高至阿迦尼吒天宮，一切諸天守衛供養。」金剛手白佛言：「世尊！何因緣故此法如是殊勝功德？」

佛告金剛手：「以此寶篋陀羅尼威神力故。」金剛手言：「唯願如來哀愍我等，說是陀羅尼。」佛言：「諦聽。金剛手！此是一切如來未來現在及已般涅槃者全身舍利，皆在寶篋陀羅尼中，是諸如來所有三身亦在是中。」爾時世尊即說陀羅尼曰：

「娜莫悉怛哩野(四合)地尾(二合)迦南(一) 薩婆怛他(引)藥多南(二) 唵(三) 部尾婆嚩娜嚩[口*梨](四) 嚩者[口*梨](五) 者者[齒*來](六)(知皆反) 祖魯祖魯馱囉馱囉(七) 薩嚩怛他藥多(八) 馱(引)都馱[口*梨]鉢蹋[牟*含](二合)婆嚩底(九) 惹也嚩犁(十) 畝祖犁薩麼(二合)囉(十一) 怛他藥多達摩斫迦囉(二合)(十二) 鉢囉(二合)靺唼哆(二合)娜嚩日哩(二合犁音)冒地滿拏(十三) 楞迦(引)囉(引)(十四) 楞訖哩(二合)諦(十五) 薩嚩怛他藥多(引)地瑟恥(二合，下同)諦(十六) 冒馱野冒馱野(十七) 冒地冒地(十八) 沒[亭*夜]沒[亭*夜](十九) 參冒馱耶參冒馱野(二十) 者囉者囉(二十一) 者懶覩(二十二) 薩嚩嚩囉拏爾(二十三) 薩嚩播(引)波尾藥諦(二十四) 戶嚩戶嚩(二十五) 薩嚩戍迦弭槃帝(二十六) 薩嚩怛他藥多(二十七) 訖哩(二合，下同)那野嚩日哩(二合)拈(二十八) 參婆囉參婆囉(二十九) 薩嚩怛他藥多(三十) 麁呬野(二合)馱囉拈畝涅犁(下同)(三十一) 沒怛蘇沒怛(三十二) 薩嚩怛他藥多(引)地瑟恥多(三十三) 馱覩槃陞娑嚩(二合)訶(三十四) 參摩耶(引)地瑟恥(二合)帝娑嚩(二合)訶(三十五) 薩嚩怛他藥多訖哩(二合)那野馱覩畝捺[口*梨](二合)娑嚩(二合)訶(三十六) 蘇鉢囉(二合)底瑟恥(二合)多薩覩(二合)閉怛他藥多(引)地瑟恥(二合)帝戶嚩戶嚩吽吽薩嚩(二合)訶(三十七) 唵薩嚩怛他藥多(三十八) 塢瑟拈(二合)沙馱都畝捺囉(二合)尼薩嚩怛他藥多單娑馱都尾部使多(引)地瑟恥(二合)帝(三十九) 吽吽娑嚩(二合)訶(四十)」

爾時世尊說是陀羅尼時，從朽塔處有七寶翠堵波自然涌出，高廣嚴飾莊嚴微妙，放大光明。時彼十方九十九百千俱胝那庾多如來皆來

稱讚釋迦牟尼佛，各作是言：「善哉善哉！釋迦如來能說如是廣大法要，安置如是法藏於閻浮提，令諸眾生利樂安隱。若有善男子善女人安此法要，安置此陀羅尼於塔像中者，我等十方諸佛隨其方處恒常隨逐，於一切時以神通力及誓願力加持護念。」

爾時世尊說此大全身舍利寶篋印陀羅尼廣作佛事已，然後往彼婆羅門家受諸供養，令無數天人獲大福利已，却還所住。爾時大眾，比丘、比丘尼、優婆塞、優婆夷、天、龍、夜叉、健闥婆、阿修羅、迦樓羅、緊那羅、摩睺羅伽、人非人等，皆大歡喜，信受奉行。

一切如來心祕密全身舍利寶篋印陀羅尼經

namaḥstryidhvikāṃsarvatathāgatanāṃbhuvibhavadavarivacarivacaṭaisuruḥdharaḥ

sarvatathāgatadhātudharipadmambhavatijayavarimudrismaratathāgatadharmmacakrapravarttanavajribodhivaṇalumkaralumkṛtesarvatathāgatādhiṣṭitebodhayaḥbodhiḥbuddhyaḥ

sambodhanisambodhayacalaḥ

calamṭusarvāvaraṇanisarvāpāvigatehuruḥ

sarvaśokavigatesarvatathāgatahṛdayavajraṇisambharaḥ

sarvatathāgataguhyadharaṇimudributesubutesarvatathāgatādhiṣṭitadhātugarbhesvāhāsamayādhiṣṭitesvāhāsarvatathāgatahṛdayadhātumudrisvāhāsupratistubhetathāgatādhiṣṭitehuruḥ

hūmhūmṣvāhāṃsarvatathāgatauṣṇīśadhātumudrāṇisarvatathāgataṃsadhatuvibhoṣitādhiṣṭitehūmhūmṣvāhā

[CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 netiCRM 及 NewebPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project.

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
